



Adresa: **Ul. Hamdije Ćemerlića 39 a**  
71000 Sarajevo  
<http://www.voda.ba>

tel. +387 33 726-444  
fax. +387 33 726-423  
e – mail: [jvp@bih.net.ba](mailto:jvp@bih.net.ba); [info@voda.ba](mailto:info@voda.ba)

Broj: UP-1/21-1-40-280-6/22  
Datum: 11.10.2022.godine

«Agencija za vodno područje rijeke Save» Sarajevo rješavajući po zahtjevu Investitora, grada Bosanska Krupa, za izdavanje prethodne vodne saglasnosti za izgradnju fekalne kanalizacije na dijelu rukavca rijeke Une u naselju Bosanska Otoka, na osnovu člana 109. stav (1) u vezi sa članom 12. stav (1). Zakona o vodama („Službene novine Federacije BiH“, broj 70/06) i člana 16. stav (1) tačka 15. Pravilnika o sadržaju, obliku, uvjetima, načinu izdavanja i čuvanju vodnih akata („Službene novine Federacije BiH“, broj 31/15, 55/19, 41/20 i 63/22) i člana 200. stav 1. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

### **R J E Š E N J E** **o prethodnoj vodnoj saglasnosti**

1. Daje se prethodna vodna saglasnost Investitoru, Gradu Bosanska Krupa, za izgradnju fekalne kanalizacije na dijelu rukavca rijeke Une u naselju Bosanska Otoka, na zemljištu označenom kao k.č. broj: 448, 449, 411, 412, 413, 414, 416, 417, 418, 618/1, 424, 438, 621, 304, 314, 620/2, 444/1, 444/4, 519, 521 i 522 k.o. Otoka II, u vodnom dobru rijeke Une, a u postupku pribavljanja urbanističke saglasnosti i okolinske dozvole. Ova prethodna vodna saglasnost odnosi se isključivo na kolektor fekalne kanalizacije koja se planira graditi u naselju Bosanska Otoka, najvećim dijelom u vodnom dobru vodotoka I kategorije.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
  - Investiciono-tehnička dokumentacija treba biti urađena i revidovana od strane pravnih lica koja imaju ovlaštenje (lista «A») pribavljeno od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata koja su bitna za konkretan slučaj.
  - Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
  - Predmetna trasa fekalne kanalizacije mora biti usklađena sa prostorno planskom dokumentacijom i razvojnim planovima grada Bosanska Krupa za predmetno područje.
  - Projektnom dokumentacijom dati tehničko rješenje objekata kanalizacionog sistema sa svim potrebnim proračunima i tehničkim opisom kao i situativni prikaz trase kanalizacionog sistema, tačan položaj objekata na trasi kanalizacionog sistema u odnosu na vodotoke, vodno dobro, poplavno područje, linije velikih voda ranga pojave jednom u sto godina (1/100), planirane objekte za zaštitu od voda i objekte za prečišćavanje fekalnih otpadnih voda.
  - Cijevni vod kanalizacione infrastrukture polagati u rov prateći trasu postojećih puteva te predvidjeti sprečavanje svih negativnih posljedica utjecaja voda (ispiranje rova, narušavanje stabilnosti obale, i sl.), u protivnom sve posljedice će snositi podnosilac zahtjeva.
  - Za polaganje cijevnog voda po trasi asfaltne ceste potrebno je pribaviti saglasnost upravitelja cesta, a trasa cijevnog voda kanalizacione infrastrukture treba da bude usklađena sa ostalom infrastrukturom (elektro, gasovodi, vodovod, telefon i sl.), a za sve eventualne kolizije i ukrštanja sa istom, treba se pribaviti saglasnost sa vlasnikom infrastrukturnih objekata ili organizacijom koja njime upravlja, te da bude u skladu sa propisanim urbanističko-tehničkim uslovima.

- Tehnologiju izvođenja iskopa rova za polaganje cijevnog voda izabrati sa posebnom pažnjom kako ne bi došlo do poremećaja okolnog tla te narušavanja obalnog područja rijeke Une.
  - Predvidjeti da se iskopani rovovi za smještaj cijevnog voda kanalizacione infrastrukture kvalitetno zatrpaju uz zbijanje do potrebnog stepena stišljivosti, a eventualni višak materijala iz iskopa odveze van područja javnog vodnog dobra. Odvodni kanali i propusti duž puta ne smiju biti zatrpani.
  - Definirati način prelaska cijevnog voda preko cestovnih propusta i slično, te definirati način zaštite stabilnosti obale na dionicama gdje se trasa cijevnog voda približava obali rijeke Une ili nalazi na istoj.
  - Projektom dokumentacijom sagledati sve moguće neželjene uticaje, kako na planirane objekte kanalizacione infrastrukture (reviziona okna za priključke i podzemna revizona okna, cijevne vodove, i sl.) tako i planiranih objekata na druge objekte i postrojenja, stečena prava korisnika, postojeću infrastrukturu, naselja i sl. i dati prijedlog mjera za uklanjanje odnosno sprečavanje tih uticaja.
  - Investiciono tehnička dokumentacija mora biti urađena na nivou projekta za pribavljanje odobrenja za građenje te u skladu sa uslovima iz ove prethodne vodne saglasnosti i uslovima ostalih nadležnih organa ukoliko isti nisu u suprotnosti sa uslovima iz ovog Rješenja.
3. Ovu prethodnu vodnu saglasnost će Investitor koristiti u postupku pribavljanja okolinske dozvole (ukoliko je ista potrebna) odnosno urbanističke saglasnosti i ona definiše sve uslove koje investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
  4. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
  5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.  
Uz zahtjev se prilaže :
    - Revidovana Investiciono-tehnička dokumentacija urađena u skladu sa uslovima iz dispozitiva ovog rješenja.
    - Rješenje o urbanističkoj saglasnosti za izgradnju predmetnog objekta.
    - Rješenje o okolinskoj dozvoli ili potvrda nadležnog organa da ista nije potrebna.
    - Dokaz o izvršenoj uplati administrativne pristojbe u iznosu od 60 KM .
  6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
  7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
  8. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Gradska uprava Grada Bosanska Krupa obratila se dana 06.06.2022. godine sa zahtjevom za izdavanje prethodne vodne saglasnosti za izgradnju fekalne kanalizacione infrastrukture, na dijelu

rukavca rijeke Une u naselju Bosanska Otoka, na zemljištu označenom kao k.č. broj: 448, 449, 411, 412, 413, 414, 416, 417, 418, 618/1, 424, 438, 621, 304, 314, 620/2, 444/1, 444/4, 519, 521 i 522 k.o. Otoka II, u vodnom dobru rijeke Une, k.o. Otoka II, Bosanska Krupa, a u postupku pribavljanja urbanističke saglasnosti.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Akt gradskog organa Grada Bosanska Krupa broj: UP-I-04-19-1-5300/21 od 30.05.2022. god.
  - Statut Općine Bosanska Krupa – kopija broj: 01/V-02-7150-12a/17. od 29.09.2017. godine, ovjeren,
  - Kopija uvjerenja o registraciji poreznog obveznika, Porezna uprava Federacije BiH - Kantonalni porezni ured Bihać, od 17.03.2022. godine, ovjeren,
  - Glavni projekat „Fekalna kanalizacija u Bosanskoj Otoci na dijelu rukavca rijeke Une “ Općina Bosanska Krupa, urađen od strane „IBIS“ doo Zavidovići pod brojem 12-IB-G-2/21 od juna 2021. godine, (na uvid); i u elektronskoj formi na CD –u (kompakt disk) za arhivu predmeta u AVP Sava Sarajevo,
  - Kopije katastarskog plana (originali) broj: \* 5K15-2-2 K.O. Otoka II, od 29.04.2022. godine izdato od strane jedinstvenog općinskog organa Općine Bosanska Krupa, UR.BROJ: 04-26-2-5300/2022-2, \* 5K16-42-17 K.O. Otoka II, od 29.04.2022. godine izdato od strane jedinstvenog općinskog organa Općine Bosanska Krupa, UR.BROJ: 04-26-2-5300/2022-3, \* 5K15-2-2 K.O. Otoka II, od 29.04.2022. godine izdato od strane jedinstvenog općinskog organa Općine Bosanska Krupa, UR.BROJ: 04-26-2-5300/2022-4, \* 5K16-42-17 K.O. Otoka II, od 29.04.2022. godine izdato od strane jedinstvenog općinskog organa Općine Bosanska Krupa, UR.BROJ: 04-26-2-5300/2022-6 i \* 5K15-2-2 K.O. Otoka II, od 29.04.2022. godine izdato od strane jedinstvenog općinskog organa Općine Bosanska Krupa, UR.BROJ: 04-26-2-5300/2022-5,
  - Original Izvod iz prostornog plana Općine Bosanska Krupa 2007-2027 „Sintezni prikaz korištenja prostora u planskom periodu“ izdat od strane gradskog organa uprave grada Bosanska Krupa pod brojem: UP-1-04-19-1-5300/21 od 31.05.2022. godine,
  - Original Zemljišnoknjižni izvadci broj: 018-0-NAR-22-000 705 – ZK uložak broj : 2, 018-0-NAR-22-000 704 – ZK uložak broj : 114, 018-0-NAR-22-000 696 – ZK uložak broj : 164, 018-0-NAR-22-000 703 – ZK uložak broj : 165, 018-0-NAR-22-000 699 – ZK uložak broj : 257, 018-0-NAR-22-000 694 – ZK uložak broj : 293, 018-0-NAR-22-000 695 – ZK uložak broj : 294, 018-0-NAR-22-000 706 – ZK uložak broj : 325, 018-0-NAR-22-000 707 – ZK uložak broj : 419, 018-0-NAR-22-000 697 – ZK uložak broj : 422, 018-0-NAR-22-000 700 – ZK uložak broj : 448, 018-0-NAR-22-000 698 – ZK uložak broj : 465, 018-0-NAR-22-000 701 – ZK uložak broj : 562 i 018-0-NAR-22-000 702 – ZK uložak broj : 1001, KO Otoka II, izdati od strane Općinskog suda u Bosanskoj Krupi dana 31.05.2022. godine,
  - Akt pravnog lica sa kopijom uplatnice o plaćanju posebnih troškova za objavu oglasa u medijima, po zaključku broj: UP-1/21-1-40-280-5/22 od 06.09.2022. godine,
  - Uplatnica upravno administrativne pristojbe za izdavanje vodnog akta PVS,
- Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilozi, te je podnosilac zahtjeva pismenim putem obavješten o dopuni istog dana 20.06.2022. godine, i to dopunom glavnog projekta sa unošenjem linija vodnog dobra i linija plavljenja. Nakon izvršene dopune podneska zahtjeva, ovaj je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav 1. Zakona o vodama («Službene novine Federacije BiH», broj 70/06) o zahtjevu je dana 15.08.2022. godine, obavještena javnost putem obavještenja na oglasnoj ploči «Agencije za vodno područje rijeke Save» u Sarajevu i u uredu u Bihaću, te u dnevnom listu Oslobođenje dana 17.08.2022. godine. U datom roku nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu dokumentaciju utvrđeno je sljedeće:

Kanalizaciona infrastruktura je predviđena za gradnju u vodnom dobru rijeke Une, u naselju Bosanska Otoka, za obuhvat cca 80 domaćinstava. Dužina planirane trase iznosi 1293 metra u

obuhvatu Prostornog plana grada Bosanska Krupa na dijelu rukavca rijeke Une. Kanalizacioni kolektori su predviđeni za gradnju kroz lokalne puteve i dijelom kroz privatne posjede gdje drugačije nije izvodivo. Obuhvat je podjeljen na dva odvojena sistema i za svaki je predviđen zaseban anaerobni biološki uređaj, i to 500 ES i 10 ES u fazi II projekta. Kompletan sistem je koncipiran kao gravitacioni.

Nakon uvida u dostavljenu dokumentaciju konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, izda tražena prethodna vodna saglasnost.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani su uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti

Na osnovu prednjeg i provedenog postupka, a shodno članu 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata doneseno je rješenje kao u dispozitivu.

Podnosilac zahtjeva je uplatio upravnu pristojbu u iznosu od 80 KM u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi («Sl. novine F BiH» broj: 06/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju  
Rukovodilac sektora za izdavanje vodnih akata

  
Haris Ališehović, dipl.inž.građ.

Dostaviti:

- Grad Bosanska Krupa, Terzića bb, 77 240 Bosanska Krupa,
- AVP Sava, ISV-vodna knjiga
- ⊙ Sektor 40 – arhiva
- Oglasna ploča AVP Sava